

**Объектларни давлат маблағлари ва ҳукумат кафолати остидаги кредитлар ҳисобига барпо этишда қурилиш таваккалчиликларини мажбурий суғурта қилиш бўйича Е-Polisни (электрон полисни) онлайн расмийлаштириш шартлари юзасидан
ОММАВИЙ ОФЕРТА**

Ушбу оммавий оферта (кейинги ўринларда - оферта) «EUROASIA INSURANCE» АЖ ҚК (кейинги ўринларда - суғурталовчи) билан суғурта қилдирувчи ўртасида Объектларни давлат маблағлари ва ҳукумат кафолати остидаги кредитлар ҳисобига барпо этишда қурилиш таваккалчиликларини мажбурий суғурта қилиш (кейинги ўринларда – суғурта қилдирувчи) бўйича Е-Polisни (электрон полисни) онлайн расмийлаштириш (шартнома тузиш ва бекор қилиш) тартиблари ва суғурталаш шартларини белгилайди.

Мазкур оферта Ўзбекистон Республикаси Вазирлар Маҳкамасининг 1999 йил 20 декабрдаги “Объектларни давлат маблағлари ва ҳукумат кафолати остидаги кредитлар ҳисобига барпо этишда қурилиш таваккалчиликларини мажбурий суғурта қилиш” тўғрисидаги 532-сонли Қарори асосида ишлаб чиқилган.

1. Умумий шартлар ва тушунчалар

1.1. Ушбу офертада куйидаги тушунчалардан фойдаланилади:

Е-Polis - Объектларни давлат маблағлари ва ҳукумат кафолати остидаги кредитлар ҳисобига барпо этишда қурилиш таваккалчиликларини мажбурий суғурта қилиш бўйича электрон шаклда тузилган суғурта шартномаси бўлиб, Суғурта қилдирувчига суғурта мукофотини Суғурталовчига тўлиқ тўлаганидан сўнг бериладиган ва суғурта шартномаси тузилганлигини, ҳамда Суғурта шартномаси шартларига мувофиқ, Суғурталовчининг суғурта товонини тўлаш мажбурияти кучга кирганлигини тасдиқловчи ҳужжат.

Низом - Ўзбекистон Республикаси Вазирлар Маҳкамасининг 1999 йил 20 декабрдаги 532-сонли Қарори билан тасдиқланган “Объектларни давлат маблағлари ва ҳукумат кафолати остидаги кредитлар ҳисобига барпо этишда қурилиш таваккалчиликларини мажбурий суғурта қилиш” Низоми;

Суғурта объекти - Вазирлар Маҳкамасининг 1999 йил 20 декабрдаги 532-сонли Қарори талабларидан келиб чиққан ҳолда бинолар, иншоотлар, асбоб-ускуналар, машиналар, уларга эҳтиёт қисмлар, материаллар ва қурилиш майдонида бўлган ҳамда суғурта шартномасида қайд этилган қурилиш ва монтаж буюмининг ўзида ифодаладиган бошқа мол-мулк, шунингдек қурилиш-монтаж ишларининг амалга оширишда учинчи шахсларнинг ҳаётига, соғлиғига ва мол-мулкига зарар етказганлиги учун Суғурта қилдирувчининг жавобгарлиги суғурта қилиш объекти хисобланади.

Суғурта қилдирувчи – Суғурта шартномасини тузган, суғурта мукофотини тўлаётган ва Суғурталовчи билан аниқ суғурта муносабатларига қираётган, суғурта қилинаётган мулкни сақланишидан манфаатдор шахс.

Учинчи шахс – Суғурта қилдирувчи билан шартномавий муносабатлари мавжуд бўлмаган, ва қурилиш пудрати шартномаси билан кўзда тутилган қурилиш-монтаж ишларининг амалга ошириш вақтида унинг ҳаёти, соғлиғи ва мулкига зарар етказилиши мумкин жисмоний ёки юридик шахс.

Учинчи шахслар қаторига Суғурта қилдирувчи, унинг ходимлари, ҳамда ўз шартномавий мажбуриятларининг амалга оширишда Суғурта қилдирувчи номидан иш кўраётган жисмоний ва юридик шахслар киритилмайди.

Мулк – суғурта Шартномасида белгиланган бино, иншоот, жиҳоз, машиналар, уларнинг эҳтиёт қисмлари, материаллар ва қурилиш майдонида жойлашган қурилиш ва монтаж предмети хисобланган бошқа буюмлар;

Суғурта қиймати – суғурта манфаати билан боғлиқ мулкнинг суғурта Шартномаси тузилаётган пайтдаги ҳақиқий қиймати.

Суғурта пули – полисида кўрсатилган ва Суғурта ходисаси рўй берган тақдирда, Суғурталовчи томонидан тўланадиган суғурта товони пул маблағларининг миқдори. Суғурталовчининг жавобгарлиги суғурта шартномасида кўрсатилган суғурта пули билан чекланади. Қурилаётган объект тўлиқ қийматининг 80 фоизидан ортиқ бўлмаган қисми ёки илгари

бажарилган ишлар ҳажми, шу жумладан материаллар қиймати ҳисобга олинган ҳолда режалаштирилаётган йилда барпо этилаётган объект қийматининг бир қисми томонларнинг келишувига кўра суғурта пули бўлиши мумкин.

Моддий зарар бўйича суғурта пули – қурилиш ишлари (охирги ва тахминий, бунинг учун фойдаланиладиган материалларни ҳисобга олиб), келишилган қурилиш баҳоси, Буюртмачи таъминлайдиган қурилиш материаллари ёки элементлари, қурилиш майдонидаги асбоб ускуналар ва қурилиш асбоб ускуналари, илова қилинган рўйхатга кўра қурилиш машиналари, тозалаш бўйича (суғурта пулининг 2 фоизидан ошмаган ҳолдаги) харажатлар суммаси.

Учинчи шахслар олдидаги фуқаролик Жавобгарлиги – Суғурталовчи ва Суғурта қилдирувчининг ўзаро келишув асосида, суғурта пулининг 40 фоизигача миқдорда белгиланадиган суғурта миқдори.

Суғурта мукофоти – Суғурта қилдирувчи Суғурталовчига мазкур Суғурта шартномаси билан белгиланган тартиб ва муддатларда тўлаши лозим бўлган пул маблағлари миқдори.

Суғурта товони – Суғурта ҳодисаси рўй берган тақдирда мазкур Суғурта шартномасига мувофиқ, Суғурта қилдирувчи/Наф олувчига суғурта пули доирасида тўланадиган пул маблағларининг миқдори.

Суғурта ҳодисаси – Суғурта шартномасида назарда тутилган, ҳужжатлар билан тасдиқланган ва суғурта даври ва ҳудудида ҳақиқатан рўй бериши оқибатида Суғурталовчининг суғурта товонини тўлаш мажбуриятини вужудга келтирувчи ҳодиса ҳисобланиб, таваккалчиликларнинг қуйидаги гуруҳлари қопланишини таъминлайди:

- ёнғин, чақмоқ, портлаш, учувчи аппаратларнинг кулаши, ўз-ўзидан ёниш;
- ўғирлик ва учинчи шахсларнинг қасддан содир этган ҳаракатлари;
- сув тошқини ва сув босиши, қувурларнинг ёрилиши;
- бўрон, довул;
- зилзила, сел, кўчки, тупрокнинг чўкиши, ўпирилиш, кулаш;
- қисқа туташув, ортиқча кучланиш, электр ёйлари;
- машина ва механизмлар, қурилиш материаллари ва конструкцияларнинг кулаб тушиши;
- нуқсонли материаллар ва конструкцияларни онгсиз равишда қўллашдан қўрилган зарар;
- қурилиш-монтаж ишларини амалга оширишда учинчи шахслар олдида фуқаролик жавобгарлиги пайдо бўлиши.

Суғурта даври – Суғурта полисининг амал қилиш даври. Суғурталовчининг суғурта ҳодисалари бўйича мажбуриятлари фақат Суғурта полисида кўрсатилган суғурта даврида амал қилади.

Суғурта ҳудуди – Суғурта шартномаси амал қиладиган ҳудуд. Мазкур Суғурта шартномаси бўйича суғурта ҳудуди – Ўзбекистон Республикаси ҳудудидаги мулк жойлашган жой (манзили) ҳисобланади.

Тозалаш бўйича харажатлар – суғурта ҳодисаси рўй берганидан сўнг, ҳудудни тиклаш ишларини амалга ошириш учун қулай шароитга келтириш билан боғлиқ харажатлар.

Шартсиз франшиза – Суғурта қилдирувчининг кўрган зарарининг бир қисми бўлиб, Суғурта ҳодисаси натижасида Суғурталовчи зарарнинг шу қисми учун жавобгарлик олиб бормайди.

Суғурта жавобгарлигининг кучга кириш санаси – Мазкур шартнома учун ҳисобланган суғурта мукофоти компания ҳисоб рақамига тўлиқ тушган санада 24:00 дан бошланади.

2. Е-полисни расмийлаштириш

2.1. Е-Polis ни расмийлаштиришда Ўзбекистон Республикаси Истиқболли лойиҳалар миллий Агентлигининг, манфаатдор вазирлик ва идораларнинг, шунингдек, Суғурталовчи ахборот тизимлари (расмий веб сайти, мобил иловаси) орқали амалга оширилади.

2.2. Е-Polisни расмийлаштириш учун мулкчилик шаклларида қатъи назар, хўжалик юритувчи субъектлар — пудратчилар электрон аризага қуйидаги маълумотларни киритади:

- суғурталанувчининг СТИР маълумоти;
- қурилаётган объектнинг тўлиқ қиймати (лойиҳа смета бўйича);
- қурилаётган объектнинг жойлашув манзили;
- қурилаётган объектнинг тўлиқ номи;

- курилиш пудрати шартномасининг муддати.

2.3. Е-Polisни амал қилиш муддати курилиш пудрати шартномасининг муддатига мувофиқ белгиланади. Объектни фойдаланишга топшириш муддати узайтирилган тақдирда, полис томонларнинг қўшимча келишувига кўра белгиланадиган қўшимча суғурта тўлови тўланиши шарти билан амал қилишда давом этади.

2.4. Е-полис расмийлаштирилганлиги тўғрисидаги хабарномани юбориш шакли (телефон рақам ёки электрон почта манзили ёки суғурталовчи веб-сайтида (мобил иловаси орқали) очилган шахсий кабинети орқали).

Бунда тегишли маълумотлар ягона ахборот тизимида мавжуд бўлганда автоматик тарзда тўлдирилади.

2.5. Электрон ариза тўлдириладиган вақтда Ягона ахборот тизими қисман ёки тўлиқ ишламаганда, яъни давлат ахборот базалари қисман ишламаган ва/ёки улар билан алоқа узилган тақдирда, суғурта қилдирувчи аризадаги қолган маълумотларни қўлда киритади ёки ҳужжатларни илова қилиши мумкин.

2.6. Электрон ариза тўлиқ тўлдирилгандан сўнг суғурта қилдирувчи томонидан юбориш тугмаси босилади.

2.7. Суғурталовчининг маъсул ходимлари томонидан юборилган электрон аризидаги маълумотлар бир иш куни ичида тўлиқлиги ва тўғрилиги текширилиб, суғурта қилдирувчига суғурта мукофотини тўлаши мумкинлиги ёки маълумотларни қайта тўғриланиши тўғрисида хабарнома юборилади. Агар суғурта қилдирувчи томонидан ариза берилган санадан бошлаб 24 соат давомида маълумотлар қайта текширилмаса ва/ёки тўғриланмаса, унда суғурта ташкилоти Е-полисни расмийлаштириш, қайта расмийлаштириш ва бекор қилиш имконияти йўқлиги тўғрисида суғурталовчининг Интернет жаҳон ахборот тармоғидаги ресурси ёки SMS-хабар орқали суғурта ташкилоти суғурта қилдирувчини хабардор қилади.

2.8. Суғура мукофоти суғурталовчи томонидан ишлаб чиқилган тариф ставкаларидан ва шартномада белгиланган суғурта суммаси миқдоридан келиб чиққан ҳолда ҳисоблаб чиқарилади. Суғурта тарифи билан электрон аризани тўлдириш жараёнида танишиш мумкин.

2.9. Суғурта қилдирувчи суғурта мукофотини тўлаши мумкинлиги тўғрисидаги хабарномани олгандан сўнг 72 соат мобайнида суғурта мукофотини электрон тўлов тизимлари орқали ва пул ўтказиш йўли билан тўлаши лозим.

2.10. Суғурта мукофоти Е-полисда назарда тутилган тўловдан камроқ миқдорда тўланган бўлса, суғурта ташкилоти суғурта мукофотининг тўланмаган қисми, суғурта қилдирувчи томонидан 72 соат муддатда тўланиши зарурлиги тўғрисида дарҳол хабарнома юборади.

2.11. Суғурта мукофоти тўланганлиги факти ушбу Оферта Суғурта қилдирувчи томонидан акцепт қилинганлигини англатади.

2.12. Суғурталовчининг мажбуриятлари суғурта мукофоти суғурталовчининг ҳисоб рақамига тушган кундан кейинги кундаги 00 соат 00 дақиқадан бошлаб кучга киради ва мажбурий суғурта қилиш бўйича суғурта полисида кўрсатилган суғурта даврининг охиригى санасидаги 24 соат 00 дақиқада тугайди. Агар Е-полисда суғурта амал қилиши бошланишининг бошқача муддати назарда тутилмаган бўлса, мажбурий суғурта электрон шартномаси кучга кирганидан кейин юз берган суғурта ҳодисаларига нисбатан татбиқ этилади.

2.13. Суғурта мукофоти тўлиқ тўлангандан кейин Е-полис расмийлаштирилганлиги тўғрисидаги хабарнома суғурта қилдирувчи томонидан танланган шаклда юборилади ва у қуйидагиларни ўз ичига олади:

- суғурта ташкилотининг номи, реквизитлари;
- суғурталанувчи - ташкилотлар суғурталанувчилар номи, реквизити;
- суғурта объекти номи;
- суғурта суммаси;
- суғурта мукофоти миқдори;
- Е-полисининг амал қилиш муддати;
- Е-полисининг ноёб рақами;
- Ягона ахборот тизимида ҳавола.

2.14. Суғурта қилдирувчи Ягона ахборот тизимида ҳавола орқали ўтиб, Е-полисни юклаб олиши мумкин.

3. Томонларнинг ҳуқуқ ва мажбуриятлари

3.1. Суғурталовчининг ҳуқуқлари:

- суғурталанган қурилиш объектининг ҳолатини, шароитини Суғурта шартномасини тузишда ва амал қилиш даврида ҳамда Суғурта ҳодисаси содир бўлганда текшириш;
- Суғурта қилдирувчи Суғурта шартномаси шартларини бажармаганда, Суғурта шартномасини бекор қилиш;
- мазкур шартнома ҳамда қонунчиликда белгиланган тартибда Суғурта товонини тўлашни рад этиш;
- суғурталанган қурилиш объектида содир бўлган ҳодиса юзасидан йўқотилиш ёки шикастланиш бўйича айбдор шахслар аниқланган ҳолларда тўланган Суғурта товонини улардан ундириб олиш ҳақида даъво қилиш;
- Суғурта товони миқдорини аниқлаш учун Суғурта қилдирувчидан мутасадди ташкилотларнинг далолатномаларини, экспертлар хулосаларини тақдим этишни талаб қилиш;
- Суғурта қилдирувчининг тақдим этган ҳужжатларининг тўғрилигини текшириш ва зарур ҳолатларда, бошқа керакли ҳужжатларни талаб қилиш;
- Суғурта қилдирувчи олдидаги Суғурта товонини тўлаш бўйича мажбуриятлар тўлиқ бажарилганида, Суғурта шартномасини муддатидан олдин бекор қилиш;
- Суғурта сюрвейери ҳамда Суғурта ҳодисалари бўйича Аджастер хизматларидан хизматларидан фойдаланиш.

3.2. Суғурталовчининг мажбуриятлари:

- Суғурта полисини мазкур Суғурта шартномасида белгиланган муддатда Суғурта қилдирувчига ёзиб бериш;
- Суғурталанган қурилиш объектида Суғурта ҳодисаси содир бўлганлиги тўғрисидаги хабарномани олгач, 3 (уч) кун ичида жойига чиқиб етказилган зарарни аниқлаш ва тегишли ташкилотлар вакили иштирокида маълумотнома тузиш;
- Суғурта ҳодисаси натижасида суғурталанган қурилиш объектидаги етказилган зарар бўйича Суғурта товони миқдорини ҳисоблаб чиқиш ва далолатнома асосида белгиланган муддатда тўлаш.

3.3. Суғурта қилдирувчининг ҳуқуқи:

- мазкур Суғурта шартномасида келишилган шартлар асосида Суғурта полисини Суғурталовчидан олиш;
- мазкур Суғурта шартномасининг амал қилиш даврида шартномага доир саволларга Суғурталовчидан тўлиқ жавоблар олиш;
- Суғурта ҳодисаси содир бўлганда ушбу шартномада кўрсатилган тартибда Суғурта товонини олиш.

3.4. Суғурта қилдирувчининг мажбуриятлари:

Суғурта қилдирувчи жавобгарликдан ташқари ўз ҳисобидан барча оқилона эҳтиёткорлик чораларини кўради ва шикастланишларни, зарарларни бартараф этиш бўйича Суғурталовчи берган барча зарур тавсияларга риоя қилиши, шунингдек қурилиш қоида ва меъёрлари талабларига, асбоб ускуналар тайёрлаш тавсияларига амал қилиши;

Қурилиш майдонида ўт ўчириш ва ёнғинга қарши қуйидаги чораларга тегишли махсус шартлар бажарилишини назоратга олади:

- керакли миқдордаги ишчилар ёнғинга қарши асбоб ускуналардан фойдаланиш учун ўргатилган ва ёнғин бўлганда тезкор ҳаракатга тайёр туриши;
- тегишли ёнғинга қарши асбоб ускуналар ва керакли ўт ўчирувчи мосламалар доим иш ҳолатида туриши;
- объектда иш бошланганда барча ёнғинга қарши кўрилган воситалар созланган ва фойдаланиш учун тайёр бўлиши;
- тезда ўт олувчан ва ёнувчан материаллар ёнида пайвандлаш ёки оловли ишлар ўтказишда битта ўқиган ишчи ёнғин билан кураш учун шай тургандагина йўл қўйиши;
- барча қурилиш конструкцияларини, материалларини ва буюмларини тегишли қоидалар ва меъёрлар талаби доирасида сақлаши;

- энг якин ўт ўчириш бригадаси мазкур ҳудуд билан таништириш ва ҳоҳлаган пайтда шу ҳудудга эркин кириши учун рухсат бериши;

- курилиш майдони ўралган ва унга киришни назорат қилиши;

3.4.1. Ҳодиса рўй берганда мазкур шартнома доирасида талабни асосламоқчи бўлганда Суғурта қилдирувчи қуйидагиларга мажбур:

- Суғурталовчига хавф хусусияти ва эҳтимолдаги миқдорини ёзма равишда 7 календар кунида хабар қилиши;

- зарарларни камайтиришга мавжуд барча чораларни кўриши;

- зарарланган қисмни сақлаб қўйиш ва Суғурталовчининг вакилига ёки экспертга кўрикдан ўтказиш учун тақдим қилиши;

- Суғурталовчига рўй берган ҳодисага тааллуқли барча маълумот ва ҳужжатларни тақдим қилиши;

- кулф бузилиб амалга оширилган ўғирлик натижасида зарар кўрилганда содир бўлган воқеа ҳақида ҳуқуқни муҳофаза қилиш идораларига хабар бериши;

- мазкур Суғурта шартномасидаги шартларни белгиланган муддатларда бажариш, уларни бузмаслик учун барча чораларни кўриши;

- белгиланган муддатларда Суғурта мукофотини тўлаши;

- Суғурта ҳодисаси содир бўлганда, Суғурталовчига белгиланган муддатда, ёзма равишда хабарнома бериш ва Суғурта товонини аниқлаш учун зарур бўлган барча ҳужжатларни тақдим қилиши;

- Суғурта қилдирувчи мазкур мол-мулк бўйича бошқа суғурта ташкилотлари билан тузилган барча суғурта шартномалари тўғрисида суғурталовчини ёзма равишда хабардор қилиши;

- Суғурта ҳодисаси рўй берганда зарар миқдорини аниқлаш учун зарур бўлган фотосурат ёки видеотасмалар билан Суғурталовчини таъминлаши;

- юридик манзили ва банк реквизитлари ўзгарганда Суғурталовчига 10 кун ичида ёзма равишда хабарнома бериши;

- Суғурта ҳодисаси содир бўлганда таъмирлаш ва бошқа (сотиш, металлоломга бериш ва ҳоказоларни) ишларини Суғурталовчи билан келишилган ҳолда амалга ошириши.

4. Суғурта ҳодисаларини кўриб чиқиш тартиби ва суғурта тўлови ва (ёки) товони миқдори

4.1. Моддий зарар бўйича Суғурталовчи ва Суғурта қилдирувчи ўзаро қайд этиб ўтилган мулкларга ёки уларнинг қисмига суғурта муддати давомида Суғурта ҳодисаси натижасида кутилмаганда ва тўсатдан етказиладиган, тўланмайдиган ҳолатлар бўйича шартлашилмаган сабаблар натижасида шикастланган, мулкни таъмирлаш ва алмаштиришга зарурият келтириб чиқарадиган моддий зарарни ҳисоб рақамига пул ўтказиш йўли билан қоплаб беради, бироқ жами ҳар бир суғурта ҳодисаси ва умумий сумма бўйича шартномада шартлашилган суғурта пулидан ошмаган миқдорда қоплаб беради. Суғурталовчи суғурта ҳодисасидан кейин ҳудудни тозалаш билан боғлиқ оқилона ҳаражатларни ҳам тўлайди, бироқ у суғурта пулининг 2.0 фоизидан ортиқ бўлмайди.

4.2. Жавобгарлик бўйича Мазкур шартнома доирасида зарар ёки шикастланиш қуйидаги тартибда қопланади:

а) суғурталанган мулкларнинг шикастланишидан аввалги ҳолатига келтириш учун бартараф этиш мумкин бўлган шикастланиш таъмирлаш ҳаражатлари бўйича қопланади;

б) суғурталанган мулкларнинг шикастланиши оқибатида тўлиқ нобуд бўлиши, мазкур шартномани шартларини бажариш ва қўшимча шартларига риоя қилиш шarti билан мулкни ҳақиқий баҳоси билан бироқ кўрсатилган суғурта пули миқдорида қоплаб берилади.

Суғурталовчи таъмирлаш ишлари қилинганлиги ёки шикастланган қисмини алмаштирилганлиги ҳақида ҳужжатлар ёки зарур ҳисоб-китоб ҳужжатлари тақдим қилингандан сўнг зарарни қоплаб беради.

Суғурта ҳодисаси рўй берганда таъмирлашга бериладиган барча шикастланишларни таъмирлаш ишларига кетган ҳаражатлар суғурталанган мулкларни баҳосидан ошиб кетганда зарарни тугатиш “б” кичик бандидаги шартлар тартибда амалга оширилади.

Агар таъмирлаш охирги таъмирлашни охирги қисми ҳисобланиб, таъмирлаш ишлари бўйича жами ҳаражатлар ошиб кетмаса, Суғурталовчи тахминий таъмирлаш ишларига ҳаражатларни қоплаб бериши мумкин.

Мазкур шартнома доирасида бўлиши мумкин бўлган ўзгартиришларга, қўшимчаларга ёки янгиликларга алоқадор ҳаражатларга қоплама тўланмайди.

4.3.. Суғурталовчи жавобгарлик бўйича Суғурта қилдирувчига Суғурта пули чегарасида, яъни Суғурта қилдирувчи фуқаролик жавобгарлиги олиб борадиган суммада:

а) бахтсиз ҳодиса рўй бериши натижасида учинчи шахсларни танаси шикастланишига ёки касалланишига (ўлимига);

Соғлиққа етказилган зарар учун товон қуйидаги миқдорларда тўланади:

Тан жароҳати оғирлиги	Тўлов миқдори (Ўзбекистон Республикасида белгиланган базавий ҳисоблаш Миқдориغا нисбатан)
Одам ўлими	100
Тан жароҳати (I гуруҳ ногиронлиги)	60
Тан жароҳати (II гуруҳ ногиронлиги)	40
Тан жароҳати (III гуруҳ ногиронлиги)	20
Ногиронликка олиб келмаган жароҳат ва бошқа тан жароҳатлари	10

б) суғурта даври мобайнида учинчи шахсларнинг мулкига бахтсиз ҳодиса туфайли етказилган зарар ва шикастланишларга, агар бу бахтсиз ҳодиса моддий зарар бўйича суғурталанган қурилиш ва монтаж ишлари олиб борилаётганда қурилиш майдонининг ўзида ёки бевосита ёнгинасида рўй берса қоплаб берилади.

4.3. Суғурта ҳодисаси бошланганда Суғурта қилдирувчи ёки суғурта шартномаси унинг фойдасига тузилган шахс, суғурталовчининг сўровномаларини ёки талабларини кутиб ўтирмасдан, қўрилиши мумкин бўлган зарарларни камайтиришнинг имкони бўлган барча чораларини кўриши ва 7 календарь кундан кечикмай суғурталовчини содир бўлган ҳодисадан ёзма равишда хабардор қилиши шарт.

4.4. Суғурта қилдирувчи, Суғурта ҳодисаси юз берганда Суғурталовчига қуйидаги ҳужжатларни тақдим этади:-

- Суғурта ҳодисаси тўғрисида хабарнома;
- Суғурта полиси;
- Суғурта ҳодисасини тасдиқловчи мутасадди ташкилотларнинг ҳужжатлари;
- Суғурта ҳодисаси натижасида зарарланган Мол-мулкнинг фотосуратлари;
- Суғурта қилдирувчи ўзига маълум бўлган Суғурта ҳодисасига оид бошқа маълумотлар.

4.5. Суғурта қилдирувчининг ёзма аризаси олингандан ва суғурта товони тўлаш тўғрисидаги масалани ҳал этиш учун зарур бўлган барча ҳужжатлар олингандан кейин комиссия тузилади, комиссия таркибига Суғурта қилдирувчининг ва суғурталовчининг вакиллари, шунингдек, зарурат бўлганда, манфаатдор шахс ҳисобига ваколатли ташкилотларнинг вакиллари киритилади.

4.6. Барча тарафлар маълумотномага имзо чекадилар ва имзо чекиш жараёнида ўз эътирозларини маълумотномада акс эттирадилар.

4.7. Тузилган маълумотномалар Суғурта ҳодисаси тан олинганлиги ёки тан олинмаганлигини билдирмайди ва маълумотномалар асосида Суғурта товони тўланмайди.

4.8. Суғурталовчи тақдим этилган ҳужжатларнинг тўғрилигини текшириши ва зарур ҳолатларда, бошқа керакли ҳужжатларни талаб қилиши мумкин.

4.9. Суғурта қилдирувчи ҳар қандай ҳолатда ўз маблағлари ҳисобидан Суғурта ҳодисаси билан боғлиқ бўлган барча ҳужжатларни (Суғурта ҳодисасини тасдиқловчи ҳужжатлар нусхаси ва ҳодиса тафсилотлари ҳақида маълумотнома) ишлаб чиқиш, харид қилиши ва Суғурталовчига тақдим этиши шарт.

4.10. Суғурта қилдирувчи Суғурта ҳодисаси содир бўлганда зарарланган мол-мулкни таъмирлаш, сотиш, металлоломга топшириш ёки бировга бериш, ёкиб юбориш, йўқ қилиш ва бошқа ишларни Суғурталовчи билан келишган ҳолда (ёзма равишда) амалга оширади.

4.11. Суғурта товони ҳақиқий етказилган зарар миқдорида, агар Суғурта шартномасида Франшиза қўлланилган бўлса, ушбу Франшиза миқдори ҳисобга олиниб, лекин шартномада белгиланган Суғурта пулидаги миқдоридан ошмаган ҳолда белгиланади.

4.12. Суғурта пули объект баҳосидан кам қилиб белгиланганлиги учун Суғурталовчи Суғурта ҳодисаси юз берганда Суғурта қилдирувчига у кўрган зарарни Ўзбекистон Республикаси Фуқаролик Кодексининг 936-моддасига асосан Суғурта пулининг объект баҳосига бўлган нисбатига мутаносиб равишда қоплайди.

4.13. Суғурта товони далолатномага қўл қўйилган кундан бошлаб 5 (беш) банк куни ичида тўлаб берилади.

4.14. Суғурта товони мазкур Суғурта шартномасига асосан ҳисоб рақамга пул ўтказиш йўли билан амалга оширилади.

4.15. Суғурта ҳодисаси рўй берганда яна амал қилинаётган Суғурта шартномаси мавжуд бўлса ёки зарар етказган шахсдан Суғурта қилдирувчи фойдасига моддий зарар ундирилган бўлса, тўланган ёки қопланган зарарни чегириб ташлаган ҳолда Суғурта товони тўлаб берилади.

5. Суғурта пули ва суғурта мукофоти

5.1. Қурилаётган объект тўлиқ қийматининг 80 фоизидан ортиқ бўлмаган қисми ёки илгари бажарилган ишлар ҳажми, шу жумладан материаллар қиймати ҳисобга олинган ҳолда режалаштирилаётган йилда барпо этилаётган объект қийматининг бир қисми томонларнинг келишувига кўра суғурта пули бўлади.

Умумий суғурта пули миқдори: E-Polis да кўрсатилади.

5.2. Умумий суғурта мукофоти миқдори суғурта пулини 0,4 % суғурта тарифига кўпайтириш орқали ҳисобланади. суғурта мукофоти миқдори E-Polis да кўрсатилади. Суғурта мукофоти Суғурта қилдирувчи томонидан бир вақтда тўлиқ тўланади.

5.3. Қурилиш объекти суғурта қилдирувчига ва суғурталаш унинг фойдасига тузилган шахсга боғлиқ бўлмаган сабабларга кўра консервация қилинганда суғурта шартномаси бўйича қолган давр учун мутаносиб равишда ҳисоблаб чиқарилган суғурта тўловининг бир қисми суғурталовчи томонидан қайтарилиши мумкин.

5.4. Агар ишларни жадаллаштириш натижасида қурилишнинг белгиланган муддати суғурта шартномасида кўрсатилган суғурта муддати тугашидан илгари тугаса суғурта тўлови қайтарилмайди.

6. Шахсга доир маълумотларни қайта ишлаш шартлари

6.1. Суғурта қилдирувчи E-Polis расмийлаштириш тўғрисидаги электрон аризага маълумотларни киритиши билан E-Polisни амалга ошириш учун ўзининг шахсига доир маълумотларни қайта ишлашга (йиғиш, ёзиш, тизимлаш, сақлаш, фойдаланиш ва бекор қилиш) розилик берган деб ҳисобланади.

6.2. Шахсга доир маълумотларни қайта ишлаш Суғурталовчи томонидан суғурта шартномаси бўйича мажбуриятларини амалга ошириш мақсадида “Шахсга доир маълумотлар тўғрисида”ги 2019 йил 2 июлдаги Ўзбекистон Республикасининг Қонунига мувофиқ амалга оширилади.

7. Якунловчи қоидалар

7.1. Ушбу офертанинг талабларини бузганликда айбдор бўлган шахслар конун ҳужжатларида белгиланган тартибда жавоб берадилар.

7.2. Ушбу офертада назарда тутилган ёки у билан боғлиқ масалалар бўйича тарафлар ўртасида келишмовчиликлар юзага келганда, тарафлар келишмовчиликни судгача ҳал этиш чораларини кўриши лозим.

7.3. Низони судгача ҳал этиш имкони бўлмаса, улар суғурталовчи жойлашган ердаги тегишли судда Ўзбекистон Республикасининг қонунчилик ҳужжатларига асосан ҳал этилади.

7.4. Суғурта шартномасини ўзгартириш, бекор қилиш ва муддатидан олдин тўхтатиш тартиби, суғурта бўйича эътирозларни кўриб чиқиш тартиби, суғурта шартномаси бўйича кўрилган зарар миқдорини аниқлаш ва суғурта товонини тўлаш тартиби билан боғлиқ масалалар Ўзбекистон Республикаси Вазирлар Маҳкамасининг 1999 йил 20 декабрдаги 532-сон қарори билан тасдиқланган, ушбу офертанинг узвий қисми ҳисобланадиган Объектларни давлат маблағлари ва ҳукумат кафолати остидаги кредитлар ҳисобига барпо этишда қурилиш таваккалчиликларини мажбурий суғурта қилиш Низомига мувофиқ белгиланади ва амалга оширилади.